



4008/

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), a u vezi sa članom 37. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službeni glasnik Unsko-sanskog kantona“, broj: 5/00, 7/01, 11/14 i 24/18) i u skladu sa planiranim sredstvima u Budžetu Ministarstva zdravstva, rada i socijalne politike za 2019. godinu za potporu demografskog razvoja, na prijedlog Ministarstva zdravstva, rada i socijalne politike, Vlada Unsko-sanskog kantona na sjednici održanoj dana 18.09.2019. godine, d o n o s i

ODLUKU

o isplati naknade za treće i svako naredno živorođeno dijete
u Unsko-sanskom kantonu za 2019. godinu

I

Ovom Odlukom utvrđuje se naknada za treće i svako naredno živorođeno dijete u Unsko-sanskom kantonu u visini od 1.000.00 KM jednokratno.

II

Pravo na naknadu ostvaruje roditelj djeteta sa prebivalištem u Unsko-sanskom kantonu.

III

Isplata naknada vršit će se posredstvom centara za socijalni rad Unsko-sanskog kantona, a prema podnesenim zahtjevima za svaki kalendarski mjesec i u visini sredstava obezbjeđenih u Budžetu Ministarstva zdravstva, rada i socijalne politike za 2019. godinu.

IV

Bliži uvjeti za provođenje ove Odluke biti će utvrđeni Instrukcijom Ministarstva, zdravstva, rada i socijalne politike.

V

O izvršenju ove Odluke starat će se Ministarstvo zdravstva, rada i socijalne politike i Ministarstvo finansija, svako u okviru svoje nadležnosti.

VI

Ova Odluka stupa na snagu danom donošenja i ista će se objaviti u „Službenom glasniku Unsko-sanskog kantona“.

Broj: 03-017-888/2019
Bihać, 18.09.2019. godine

PREMIJER KANTONA
mr. sc. Mustafa Ružnić